

Sanhgyangh:

Ndawhag Minzcuz Fungcingz Naekna

三江：校园劲炫“民族风”

5 nyied 31 hauh, Sanhgyangh Dungczuz Swciyen Minzcuz Saedniemh Hagdangz banh gaiq daih'it ciet yisuz vwnzva minzcuz ndawhag, gyoengq lwgnyez Mbanjdung yungh golaux Dungczuz、Dungczuz giyoz、hongfwngz doxdax nem Dungczuz dohyeh daengj minzcuz vwnzva cezmuuz lai cungj lai yiengh angqcoux “roek it”. Gaenh geij bi neix daeuj, Sanhgyangh haenqrengz doicaenh minzcuz vwnzva haeuj hagdangz hozdung, aeu Godung、Siuqdung、Vehdung nem Dungczuz giyoz daengj “feihyiz” vwnzva yinxhaeuj ndaw dangzgoq, mizyauq fungfouq hagseng daihngaih dangzgoq, doengzseiz, hawj Dungczuz vwnzva maenhndei ndaej daihdaih doxcienz.

(Vuz Lenyinh/吴练勋 Gungh Bujangh/龚普康)



▲ Hagseng biujyienj boq aenvenz.



▲ Hagseng langhbaij fwngzguh zunghvibini eizundoifwn.



Boux “Sawcuengh Geq” Ciuhvunz Guh Hong Sawcuengh

把一生献给壮文事业的“老壮文”

Loz Dauh lauxsae bineix ndaej 83 bi lauxsouh lo, dwg boux “Sawcuengh geq” ciuhvunz vih Sawcuengh saehnieb guh gunyen ndeu. De bi 1952 gauj hwnj Cunghyangh Minzyen Ban Vahcuengh, daihhag bizyez le faenboiq daengz Guengjsae Sawcuengh Hagdangz guh-hong, gaenx guh le 24 bi. Duiyouh doeklaeng madaengz Fuzgen Yamwnz ciengx laux ciengx ndang, hoeng lij gvansim hong minzcuz vah saw. Ndaw doz dwg Loz lauxsae yawj 《Gvangjsih Minzcuz Bau》.

(Cwngh Yenfnwh/曾艳芬)

Cingsih Banh Aen Hoih Yaenglwnh Doxgyau Minzcuz Doxgiat Daegsaek Gyauyuz

靖西举办民族团结特色教育交流研讨会

Mboengqneix, Cingsih Si youq aen si neix Minzcuz Cunghyoz banh Aen Hoih Yaenglwnh Doxgyau Minzcuz Doxgiat Daegsaek Gyauyuz, daengx si 19 aen yanghcin cungh siuj hagdangz ca mbouj geijlai 3000 boux lauxsae hagseng daiqbiuj camgya haihoih.

Aen hoih neix yungh saeddieg ngonzyawj ndawhag minzcuz vwnzva hwnjguh、hoihnaenghdamz、minzcuz yisuz yienjok、minzcuz diyyuz hanghmoeg hozdung daengj hingzsik, hawj boux camgya haihoih caenndang roxyinh gi yinxdaeuz daegbied minzcuz daegsaek vwnzva naekna.

Gaenh geij bi neix daeuj, aen si neix yungh seizndei cauxlaeb minzcuz doxgiat cinbu sifan si, gaenxmaenx haiguh minzcuz doxgiat cinbu cauxlaeb haeuj hagdangz hozdung, mboujduenh doidoengh hong minzcuz doxgiat gyauyuz haeujlaeg haiguh, caux ok minzcuz vwnzva heiqaenh naekna, gikfat gi yisiz minzcuz doxgiat gyoengq lauxsae hagseng, hawj lauxsae hagseng camgya caeuq caenndang daejniemh ginggvaq, gungganq gi cingzgamj gyaez guekcoj、gyaez mbanjranz, demgya minzcuz miznaj caeuq gagsaenq.

(Yangz Boz/杨博)



▲ Hagseng Minzcuz Cunghyoz biujyienj cezmuuz.

Hagseng Gvangjsih Minzcuz Dayoz Caeuq Canghfwen Mbanjmyauz Doiq Fwen

广西民大学生与苗乡歌手对歌



▲ Hagseng yungh Fwencuengh hoizwnqg fwenlanzloh Myauzcz.

Mboengqneix, Gvangjsih Minzcuz Dayoz Yisuz Yozyen 30 lai boux hagseng bae daengz Yungzsuij Myauzcz Swciyen Dungdouz Cin Mbanjginzbeih soucomz Fwenmyauz. Canghfwen Mbanjginzbeih doenggvaq yienjciengq Fwendigmyauz、fwenbakdog、fwendoiqbak daengj cungjgo, youq doxgyau seiz langhbaij fwenlanzloh、fwengingqlaeuj, hawj gyoengq hagseng caijfunghdonz roxyiuj Fwenmyauz mizyinx.

Ciuq cam rox, aen caijfunghdonz neix dwg baez daih'it cienmonz bae Yungzsuij Mbanjmyauz soucomz Fwenmyauz. Muzdiz dwg doenggvaq saeddieg cazyawj、soucomz yenzswngldai Fwenmyauz, aeu ndaej haiguh cauxsij caeuq yenzgiu yaemgo Myauzcz, swnjcienz feihvuzciz vwnzva yizcanj.

(Siz Gveiz/石奎)